

# Ina nova scolaziun d'economia da chasa

■ (rtr) In onn cuzza la scolaziun d'economia da chasa sin in puresser. L'uniun puras e dunnas da la campagna vul porscher quest praticum per giuvenis e giuvnas. L'idea naschida l'october passà duai vegnir realisada gia questa stad. Quest tempo è pussaivel mo perquai che las puras e dunnas grischunas da la campagna han pudì surpigliar in model d'ina tala scolaziun dal chantun Lucerna.

Astrid Derungs, la manadra dal project «praktigrischun», discorra da sinergias ch'èn vegnidas nizzegiadas enstagl d'inventar da nov l'entira chaussa.

## Praticum e scola

Il «praktigrischun» duai dar als giuvenils ina pussaivladad da surmuntar in onn per avair dapli temp per chattar ina plazza d'emprendissadi.

Il praticum è dentant en sasez er ina scolaziun che prepara ils giuvenils sin la



**Astrid Derungs, la manadra dal project «praktigrischun».**

FOTO RTR, L. LIVERS.

vita. Durant quest onn lavuran els sin in manaschi puril cun in ritmus da 4 dis la-

vur en il tegnairchasa ed in di ad emna scola en il Plantahof. Il plan d'instrucziun cumpiglia l'entira economia d'in tegnairchasa, davent dal cuschnar sur il curtin, simplamain tut quai che ha da far cun in perchasa. In supplement dal «praktigrischun» è d'accompagnar ils giuvenils sin la tschertga d'ina plazza d'emprendissadi.

## Tschertga per plaz da praticum

Tenor Astrid Derungs ha cumenzà la tschertga per las piazzas da praticum. S'annunziar per questa purschida pon puras che han fatg la scola da puras. Gia tschintg manaschi purils èn da la partida. Las organisaturas quintan cun raddund 12 piazzas da praticum.

## Dapli infurmaziuns «praktigrischun»

Il «praktigrischun» custa 5000 francs, ils giuvenils survegnan dentant era ina paja minimala durant quest onn.